





顧文康公續稿卷之四

誥勅

光祿寺良醞署署丞方策

勅曰朕稽古崇禮宗祀

祖考於明堂以配

上帝寔惟小大百執事各率厥職罔有弗欽迨  
禮典告成嘉與臣民並受釐祉焉爾光祿寺  
良醞署署丞方策爲南京太常寺卿鵬之子  
名家俊秀太學英才本幹旣豐才用宜茂眷





茲光祿之司即古尚食之職爾筮仕未久良稱厥修薦馨香以格明神崇尊卣以享賓客  
恣茲大祀爾預有勞焉茲特授爾階徵仕郎  
錫之勅命爾其盡心舉職光於家教益樹嘉  
績以需顯陟欽哉

勅曰朝廷錫命群臣而必逮其室家者所以厚  
人倫之本也爾光祿寺良醞署署丞方策妻  
周氏婉婉克從安貞廸吉揚芬右族配德名  
門主饋共祀砥礪儉勤儆戒相成祇服圖箴

之訓工容不懈聿嚴閨闈之儀宜錫寵華以  
旌賢淑茲特封爲孺人茂迓龍光永宜象服  
光祿寺良醞署署丞方策父母

制曰朕以大典告成霈澤寰區凡厥群工例得  
馳封所生罔有靳惜矧我耆德儒臣躬勞於  
國家者哉爾南京太常寺卿方鵬乃光祿寺  
良醞署署丞策之父畿甸譽髦甲科俊彥績  
學飭行夙抱才猷歷官郎署賢聲籍甚迨副  
外憲董學政未及施教尋以疾引去朕念昔



諸臣講議大禮以格我天彝起置宮弼表樹  
詞垣典試畿闈緒聞爾讜論有裨於國是宮  
庶之求奉嘗之擢寔簡自朕心方切倚任爾  
乃決志養恬急流勇退固自樂其高蹈然終  
負其平生方以輿章交薦命所司召用寔資  
匡濟於老成姑以令子賢勞推恩所自特封  
爲通議大夫官尚如故服茲隆渥茂介壽祺  
以副朕側席求舊之懷欽哉

制曰朕聞士庶人有善本諸父母古有是言朕  
茲褒命群臣母與父偕所以酬獎功勞而勸  
慈與孝也爾封宜人高氏乃光祿寺良醞署  
署丞方策之母賦資醇懿行柔嘉維夫維  
子咸有令聞爾之賢可徵也已茲仍以夫階  
加封爲恭人重沐顯休益崇闡範欽哉

刑部山西司員外郎張寰

制曰朕習聞民隱思重牧守謹刑罰期毋殃吾  
民大夫士習於故嘗鮮體至懷爾刑部山西  
清吏司員外郎張寰世宦家子嗣聲甲科歷



守戎州乃克剪盜魁載戢庶良迨內遷刑曹  
益謹三尺明績聿聞朕甚嘉焉用特階爾爲  
奉直大夫錫之誥命爾尚優學勵行勉策勛  
業將來申褒顯陟寧爾靳哉

七陵謁祀禮成賦

有序

嘉靖丙申我

皇上御極十有五年矣凡事神奉先導民廸士  
之禮罔不修舉惟展謁

列聖陵寢大典久闕往來於宸衷蓋數稔於茲  
屬今朝野晏然歲登民熙遐邇底寧

上以諮於輔臣禮卿暨三四文武大臣僉曰維  
時哉

上乃稽諸舊志頒戒令於內外百司申飭居行



機宜庶務卜以春三月之二十有一日丙子  
上祇奉

聖母率

后妃嬪御質明啓行百官扈從各以其職受  
事焉是日駐蹕於沙河昌平州長貳官庠舍  
師生耆老悉拜迎道周朝行殿如儀明日辰  
刻駕發申達天壽山先是

上命以己卯庚辰二日次第舉

七陵謁祭之禮休前後各一日重

聖母勞也禮成

上賦恭謁

七陵紀述七言律詩一章命輔臣李時禮卿夏  
言及臣恭和進呈壬午回鑾復次於沙河州  
官率衆辭

上降敕慰勞免今年田租三之二賜高年米絹  
布有差生負人給燈油八十斤衆頓首呼萬  
歲者三舞忭而去明日抵金山遂祭  
恭讓章皇后



景皇帝二陵暨凡神鬼應祀者先後命內外大臣行事俱竣

上廼奉

聖母觀玉泉因泛舟西湖夕命輔臣時禮卿言即事各撰賦一篇明日令乘內苑小艇仍給上方筆札以從

上御龍舟製謁

陵禮成奉

聖母舟還京紀事述懷賦一篇和

恭穆獻皇帝辭 陵詩韻一章賜二臣及武定

侯郭勛觀仍命錄以示臣是日駕還士女老幼得快覩威顏歡聲喜色宣溢口舌咸謂不世之盛際也斯舉也仁孝之德達於幽明惠利之澤周于上下迨夫禮文義制淹速軒輊之節悉中意慮蓋根於天性斷自

聖心者真足以垂懿範於無窮焉臣謬以菲才叨陪末議旣廁扈從之列復塵供奉之班親覲禮成又得莊誦



御製欣幸感激倍越庸情謹述顛末撰古賦二  
篇將以傳播四方昭示後世云其辭曰  
覽堪輿之北戒兮糾山川脉絡以爲綱維太  
行衍迤以西來兮瀛海滙於東垂仰

文祖之訃謨兮因玄社以開基嚮離明而安良  
止兮握乾坤終始之機定鴻業於億萬斯年

今

列聖繼起而勛業彌張赫寶曆後歸于有道兮  
上天顧畀我

皇粵更化以善治兮宣八葉之重允旣文恢武  
戢而華夏率俾兮蠻夷重譯以獻琛日翹

陵山之望兮益思

祖德之高深屬歲行在申兮感春陽布澤之浸  
淫爰修展謁之曠典兮矢嗣服之初心維舉  
動之協于神人兮詢謀僉同率

后妃嬪御以奉

聖慈兮粵先導而後從諏良辰備法駕以啓行  
兮化景方新其曠曠翠華縹緲以晻靄兮再



辰即安於行宮簡元僚集侍從以扈蹕兮文  
武執事有恪六師布絡于原野兮風雲滃其  
迴薄百神奔走而效職兮竄山魃與海若羃  
天光噓地靈兮氤融秀於巖壑瞻

七陵之嵯峩兮動

聖情而獻歆杲日灼其垂光兮敞玄宮之金扉  
酌芳醴陳潔羞兮牲牲碩而醑肥禮序成于  
薦獻兮恍惚

列聖陟降交錫夫蕃釐勅鑿儀回龍馭兮載憇  
於沙河降璽書以勞吏民兮德音洋溢而惠  
澤滂沱群生沐浴于道化兮拜舞婆娑騰嵩  
呼於萬口兮人情欣欣其大和移仙仗而西  
邁兮即彼金山嘅令辭  
二陵之湫隘兮有感夫天顏義同孝享兮中心  
是單徧群祀而遣攝兮禮云周而不煩大典  
告成兮

聖慈悅康乃扶寶輿兮降觀玉泉于濫觴旣而  
棹鳳揖進龍舟兮泛重湖之冥茫益徵仙源



之深遠兮澤流斯長真景契夫淵衷兮發天  
葩而敷睿藻挽文瀾於筆端兮馳川流之浩  
浩左右儒臣承制以騁辭兮譬則溝澮集夫  
行潦亦猶剪製以成花萼兮敢於化工而競  
巧厥明乃遵修渚而登大道兮望額額之金  
城都民扶老攜幼兮紛匍匐而瞻仰曰吾

皇

聖母玉體久勞兮逾康寧饗內殿以告至今朝  
群臣于大廷羗拜首陳辭而稱賀兮將起八

延之頌聲永作

宗桃民物之主兮熙熙乎皞皞乎開萬世之太  
平諄曰神龍天行威赫奕兮歷涉山川匪遊  
佚兮庸備典則發孝德兮聖人有作垂無極  
兮祭則受福子孫千億兮



今樂同變調上落千韻  
邦令出備典與國  
平養曰  
示財  
與之

恭和

御製福瑞賦

有序

鴻惟我

皇上體道精義制作

郊

廟典禮已超古今而獨盛矣重念

太宗文皇帝神謨聖烈再安宗社永定大業功

德並隆

獻皇帝大德格天維新寶命啓慶源於萬世而



謚號未稱乃嘉靖戊戌秋九月辛未恭上册  
寶加尊

太宗文皇帝爲

成祖

獻皇帝爲

睿宗遂舉

祖廟合享之禮時天景融霽人情歡協而  
皇上精純對越臣工駿奔有恪洋洋  
列祖臨之在上奠獻旣成方受福之際

上旒珠左右糾結爲二龍之象蓋

祖考顧歆錫福於聖子神孫無窮之兆也

上悅述爲福瑞賦欽示勛輔大僚臣鼎臣因得  
莊誦焉字字句句肫肫乎仁孝之誠發自丹  
衷而詞氣渾厚格韻高古真可質諸前王而  
作則後聖者也臣鼓舞欣忭不能自己謹綴  
輯陳言恭和成篇上塵

聖覽臣年齡衰邁才力淺劣不能揄揚功化之  
盛無任悚仄其辭曰



天眷昭代兮真人龍興  
二祖重華兮萬邦協和而庶績其凝

列聖繼體兮垂拱仰承

睿皇慶澤集於

聖躬兮大猷允升用光前烈而裕後昆兮萬福  
是膺薦鴻號於

祖

考兮邦家之祜以莫不增湛齋明以對越兮肅  
登降之兢兢累孝德底於高厚兮

列聖是依而是凭昭福瑞於冕旒兮垂珠交結  
而脫焉莫勝象龍飛於天衢兮祥雲從之而  
上騰回神光於天藻兮將百世而文獻是徵  
仰普天之成化兮觀

聖人之所恒綿子孫於千億兮

祖武是繩詩曰

高帝創業丕成

文皇聿清寰宇光於殷湯聖作六七於乎  
前王受命啟運赫哉



睿考我命效野林  
皇一德孚格玄昊詞臣稽首載歌天保

高帝隆業丕烈

聖人之道財賦千

聖人之道財賦千

聖人之道財賦千

聖人之道財賦千

聖人之道財賦千

聖人之道財賦千

恭和

聖製初夏西遊奉

聖母舟行賦

維

皇明之開運兮寶祚靈長粵嘉靖十有六載兮

屬節序當乾之六陽望湖山之秀麗兮品彙

向茂紛魚鳥之洋洋

聖孝奉

慈輿以遊觀兮晨雷引鍾鼓之嗶嗶戒雨師先



灑道兮纖塵淨乎不揚靈飈倏迅發兮雲開  
羲和御六龍以上升兮普離炤于萬方城西  
橋岸侍鑾御而登龍舸兮旌旗甲冑映水色  
之與天光率錦纜以泝流兮簫鼓間作萬夫  
欣欣歌夏諺兮頌主聖而臣良相行宮之改  
建兮將復視

園陵營作之孔臧蓋尊

祖孝親省農育物固帝王之修軌兮親賢樂利  
雖千百世其猶未忘何

聖心之戒謙兮動遵

祖訓且云仰

上帝之眷以匡諄曰禮樂功成

皇情豫兮上下同樂以補助兮聖謨孔彰先敬  
慮兮壽千萬年保福祚兮



恭和

聖製五月九日視工遇雨賦

昌期啓運兮仰

室金匱藥錄

聖主之當陽構穹宇以崇訓錄兮巍乎大哉若

乾覆而坤藏粵古惠澤兮昔去災興而豈

祖宗開基垂統兮建極維綱賞賢莠而昔

皇總彙成憲以示子孫兮俾永監于愨

先王念功德之隆真超越于前代兮非史臣妄

意而舖張闡民彝昭物則兮列數十之宏綱



文謨武烈佑啓無窮兮固宜開千百年有道  
之長勤玉體親視大工兮翠華旖旎而出宮  
皇墻俄風清塵雨灑道雷轟電掣兮感神化倏  
斷條而無方長養萬物兮瑞蕈增莢而指佞抽  
芒庶民子來而沾惠澤兮若去炎燠而濯清  
望涼庶司群工欣瞻龍顏而致頌祝兮介萬壽  
而彌康詩曰石室金匱襲藏

帝珍五日大日厥工戲雨烟  
祖功味

宗德極拱星陳訶撫擁衛森列明神子孫係之  
懌於一人



瑞雪頌

有序

皇帝昭受寶命光紹大統清心飭躬敏學勤政  
敬天憂民期臻至理九年於茲乃嘉靖己丑  
飛蝗告災蔓延滋廣民生殄瘁雖屢降恩綸  
渙居振之勅戒守宰輯寧撫字未底于績  
皇帝用側席旰食焦勞不遑是歲秋仲迄於冬  
大至雨澤無幾雪祥未應

皇帝重惟農艱益深閔恤爰命禮官蒞庶司卜  
以十一月之十有六日戊申躬禱于



南郊以及山川太歲諸神十七日巳酉禱於社稷先日祇告

太廟

世廟端居致齋心恒對越至日未明法駕出郊精禋斯舉文武群臣敬承休德罔不明肅方在裸將山川出雲月星冥晦人情大懼清蹕戒塗行復朗霽是夕雲氣掩靄乍陽乍陰入夜未央天宇開豁月星明麗

皇帝夙興即壇致享俄而玄雲四興油然混合帝遠邇同色謂天蓋卑微霰飄颻瑞雪繼降自皇丑及亥輝祥積和竟日未已駿奔小臣親觀瑞應神速如斯仰惟

聖主殷憂之誠齋明之德昭格之符喜深感極天幾於垂涕乃知聖經有言上帝臨女無貳爾心致中和天地位焉萬物育焉是皆寔理自然豈虛語哉慨自秦漢以還非鮮英明之辟舉弗能奉天弘道優入古帝大王之域真自棄也抑退而竊思



大聖人之心不自滿假雖曰得天之應弗以自  
喜適以自勵將益畏  
上帝惻下民平政謹刑內修外攘日新厥德以  
天休猗與大哉臣叨陪侍從謬職論思欣忭之  
情樸愚之忠非假文辭曷繇宣洩乃謹拜首  
稽首而獻頌曰於惟我

皇龍飛于潛華夷聳瞻  
帝命有嚴有嚴伊何啓

聖寔多淵衷粹和性成靡它翼翼淵衷萬善斯  
鍾千聖攸同紹述統宗夙造徽猷匹休唐侯  
仁覆九州朝覲歌謳放勳是程維墻維羨羅  
宪群經施于政刑天心孔仁基泰于屯沴氣  
是因割越黎民傲予未回飛蝗彌灾百穀成  
埃殃及蒿萊多方籲天

皇心畫焉深宮細氈日省予愆冬來秋徂土膏  
乾枯三白仍逋三農重痛精誠吉諏禱于  
圉丘明德是適百神懷柔雲師效靈風伯不與



維霰先零寔冪繁英都人從宮萬口騰歡厥  
心寔单格

天非難太平清朝貴奚封條毒害凌消麥禾驕  
驕神功無私以隆以施遍于郊圻旁礪四垂  
黃竹之章周穆未荒號寒無裳旦夕勿忘衛  
侯累梱哀聞負薪達于君人散財煦貧有唐  
帝明振耀天經志斷師成寔下蔡城宋祖憂  
勤屈萬乘尊於相臣門謀定太原梁園齊宮  
于樂歌鐘客藻思工騁辭奚庸

聖皇明欽克享

天心瑞應自今膏澤浸淫我

皇則云治功未殷武靖遐氛享成于文善政維  
宜祥刑維思股肱弗隳庶績皞熙

聖惟不矜

帝眷日并陰陽和貞百祥畢呈曰綏萬邦歲豐  
人麗萬福斯降如河如江

聖壽萬年具本支綿延無極維天徵此頌焉

嘉靖八年十一月二十日







睿宗獻皇帝配蓋法古禮而不泥其迹

聖人之行權也先期籲告

郊

廟社稷暨於群神乃十有九日之巳時景雲見

於日旁司天以聞禮部累疏請上表稱賀臣

謹按古記云王者德至山陵則景雲出又曰

天子孝則景雲見

皇帝恭祀

山陵孝享

宗廟蓋越千古而僅見矣茲又惟物成于秋民

荷帝功爰舉享報大典休祥之應捷於桴

鼓微臣躬際昌辰日擊神化欽仰鼓舞不能

自已謹拜首稽首獻頌曰維天聰明握機持

衡日監於冥黽勉我華景雲

皇仁覆萬方至治馨香典祀其欽格于天心是

顧是歆穰年杪秋百昌斯摯爰稱大猷宗禋

孔時碩維牲醴蠲粢監于古先

天嚴父配宣辭輒部回大關未開於



天大德崇宣精神昭回九關先開休祥乃來厥  
 祥維何飇御羲和景雲峩峩曰維景雲郁郁  
 紛紛五色輪囷雲容輝輝炳于太微大神訶  
 揮化日將中雲彩彌空繪維天工玉葉金柯  
 叶 璀璨天葩明德之華景雲在南太史奏占  
 萬國顒瞻宗伯陳圖群工謹呼近代則無軒  
 轅造端雲庸紀官青史弗刊帝舜賡歌世登  
 泰和禮樂漸摩吾 皇聖神黃虞是承禮備樂成化浹玄施如雲斯

垂賁蔭群黎享

帝享

親孝子仁人佑命維申天章翔龍景雲斯從滄  
 蔚

帝躬垂衣明堂四夷來王

聖壽無疆



顧文康公續稿卷之四 終

顧文康公續稿卷之五

重書

寶訓實錄

錫宴及

賜白金衣

馬

手勅加官謝表

嘉靖十五年

嘉靖十五年八月十九日該監錄官太師兼

太子太師武定侯郭勛總視經理官少保兼

太子太傅吏部尚書武英殿大學士李時等

恭進重書完

祖宗列聖

寶訓實錄臣謬以同經理官荷蒙

聖眷與同郭勛等

賜宴於

謹身殿仍賞賜



白金八十兩彩段四表裏羅衣一襲鞍馬一匹副特降手勅加臣太子太保餘官如故臣洵荷寵榮無任悚仄竊以作君作師懋建維皇之極善繼善述聿隆達孝之稱惟聖智獨邁於百王故訓錄重光於九帝煌煌乎縹帙琅函之什襲巍巍乎石室之尊崇仰之彌高於斯爲盛恭惟皇帝陛下體道敬一秉心塞淵賤金玉而善人興垂衣裳而天下治謂

祖宗典則可以詒於子孫聖神功化可以被

於來世是用重書皇史藏之寶歲遠恢

堯舜之勛華近昭文武之謨烈河圖大訓秘璧府以垂光太乙鈎陳觀薇垣而被寵鹿鳴同於周燕馬錫擬於晉侯宮錦裁成義嚴在笥雲章彩煥禮重承筐念臣竊祿詞林愧論思之靡及備史局顧經理之無能許身愧比於南金空群未超於北馬駑駘弱質論功寔耻據鞍組織賤工絜德何能補袞卜其晝



未卜其夜有僕已占於旣醉稱其德不稱其力無邪載頌於斯徂臣寧不感恩圖奮時惕素飽之慚拜惠思忠益勵羔羊之節誓有竭於致遠勉惟報於涓埃上熙解衣阜財帝載之休功下佐飽食作居民生之至理稱彼觥而祝壽稽厥角以颺言臣無任激切感戴天恩之至

謝 賜貂鼠封領及金餅表

嘉靖十七年

嘉靖十七年十二月十五日恭遇

聖駕發自天壽山於紅門外 賜貂鼠封領

一事又於清河金殿中 賜金餅二枚臣

謹稽首頓首拜受者竊惟 寵數關心秋毫

知皆 帝力 恩庥被體春意覺自天來

珍品頒於上方芳膏襲於下土衰殘是賴

溫飽自將恭惟

皇上聖智察微至仁育物俯憐扈從特荷優崇



真所謂解衣以衣推食以食者也臣忝廁簪  
紳麤知章句易稱鼯鼠戒竊位以示占詩著  
有皮鑿無儀而興刺惟辟王食之訓炳列箕  
疇遣我來牟之祥式陳周頌錫茲二物又重  
百朋韋與布而相資錫與資而具美遲遲宮  
漏催刀尺以裁成翼翼仙庖鼓燴鞫而劑製  
挾辟寒之溫玉披拂霜華團躍治之精金允  
搖月魄馮唐易老矢初心而益壯范叔一寒  
堅晚節而非誇敢不夙夜在公豈效捧頭之

竄清忠許國詎蒙素飽之譏臣無任激切感  
戴

天恩之至

原刻二表佚後半茲蒐獲全刊



天恩之望

漢

東帝出符圖... 無升... 歎... 歎...

端午日西海泛龍舟並宴 兩宮致語

伏以化日舒長羲馭回光於東井鈞天寥渺

仙宗敞宴於西池

七陵展謁之禮既成

兩宮宸遊之典斯舉風行朝野喜協神人茲蓋

伏遇

皇上居正乾行嚮明離炤大德同於帝舜齊聖

邁於成湯恭惟

昭聖慈壽皇太后陛下克嗣徽音久垂懿範內



治肅於先朝禧澤流於寰宇

章聖慈仁皇太后陛下祥鍾宸極慶洽皇

圖德並厚於坤輿福比深於溟渤茲者月當  
夏仲節屆天中蕤賓律應於虞弦競渡風傳  
於楚俗仰一人之有慶奉

二聖以同歡翼翼仙舟泝流光於玉河金海巍  
巍御座挹皓彩於貝闕珠宮行厨絡繹送八  
珍何止駢峰麟脯法部喧闐呈百技直教魚  
躍鳶飛光泛萬年觴喜葛華之薦祉香傳九

子粽符荇藻以呈祥豈惟對時以歡娛

聖慈亦將因心以化成天下某樂優末技幸際

昌辰使

聖人多男式效華封之祝敷皇極五福聿感

箕子之疇欲罄下情先陳口號辭曰

太液波澄御宴開六龍雙導翠輿來龍舟噴  
薄三山動鳳棹騰喧百谷廻玄圃芝蘭添雨  
露薰風燕雀繞蓬萊中天虹彩流華渚南極  
星光接上台



霖雨堂記

弘治甲子秋八月余將赴省試謁公移于南京  
禮部部門外有粥舊畫者列數幅於地其一乃  
所翁所畫龍頭也品甚神奇復題四言於下方  
曰明良風雲神寄斯畫大溥霖雨以澤天下心  
竊喜曰此祥兆也以青錢百二十購得之明年  
省試入式及奉  
大對遂以第一人及第乃知天數前定如此非  
人力也迨正德戊寅夏建小堂四楹于邸第之



丑方前此連月不雨是日大雨學士儼山陸先生爲題曰霖雨堂作小篆匾見遷謝不敢當迨嘉靖戊戌夏四月因購得東鄰張氏堂四楹頗高爽撤以建置于邸第之丙方前此仍連數月不雨是日大雨如注遠近沾足親故僚友喜而賀曰往歲陸公所贈霖雨堂名者斯不足以當之乎余復唯唯遜謝是歲秋八月蒙  
主上知異特降 手勅命入內閣叅預機務冬十月少傅桂洲夏公來索龍頭視之稱嘆不已

因侑水龍吟詞一闋亦大書霖雨堂爲贈於是重違諸公命乃梓之揭於堂楣壯觀一時余思所翁題畫之言于今事又相符合益知天數前定如此非人力也余惟商高宗之相傳說本諸帝賚蓋一時貞元之際明良之會事豈偶然至歲大旱用女作霖雨數言高宗責望至重非說曷足以當之余迂愚衰朽非惟德學有愧于古人且精神弗逮于前時冒膺股肱之任夙夜兢兢期免於罪戾敢希與分表者乎抑



顧文康公續稿 卷之五  
主上嗣登大寶之初叨預掄選日侍講讀不敢  
自謂曾少效啟沃之忠而

上之遜學修德責望於近臣者真與高宗同一  
揆矣特懼無說者對揚休命焉耳顧今日之急  
務惟旁招俊乂列于庶位以匡乃辟康兆民庶  
不負

主上寵眷之意而龍頭之屬也其當勉而盡耶  
遂書以記之

右霖雨堂記乃太保顧文康公所著也偶失  
原稿其曾孫咸和于書肆購得之癸亥歲余  
與咸和同在京師一日會于斯堂出此記示  
余併將元人所畫龍頭索書上方余謂明年  
又乙丑矣寔公掄魁之期也顧氏其殆復有  
振乎敬爲書之以致望焉 長洲文嘉題

附桂洲相公水龍吟詞

文章獨占龍頭昔年已識絲綸手身歷  
三朝官登一品當今耆舊晚入黃扉平生青眼



相看白首喜長安霖雨堂成羨神仙宰相人  
 知否 甲第高連北斗又何用錦袍明畫畫  
 寢凝香朱門列戟紫衣奔走燈火樓臺笙歌  
 院落年年春酒與蒼生長作萬間廣廈為相  
 公壽

高玄嘉慶堂記

壽考維祺而子孫衆多嗣世長遠皆天也愚人  
 恃其盛強多行不義一旦明刑幽禍剗決破蕩  
 燄類不遺吉人為善上合天道雖遭罹厄會  
 頻於危殆鬼神相之全其身以及其子孫歸氏  
 吳中舊族也齒最長而賢曰南隱翁字文美其  
 祖彥則洪武中避仇巴蜀轉播之丁山山神來  
 共止宿導以避寇得免於患後歸鄉年九十  
 六以終是豈不善者而天神顯相若是南隱翁



偉容觀言論簡確爲人爽慨寬厚偕先修撰交  
莫逆月集耆宿爲延齡會周旋獻酬秩秩有儀  
謔談轟飲至醉愈恭而不亂真所謂吉人也今  
年壽八十五榮膺高年章服已數稔而筋力康  
強飲食言笑無減昔時九月十三日爲其誕辰  
親賓萃止子孫峙列青袍畫繡蘭蓀芝芽森然  
滿堂自翁而下凡五世焉大叅吳公揮使朱侯  
輩嘆曰不易得也於事爲竒逢於人爲具美於  
家爲大慶相與名其堂曰高玄嘉慶而謂鼎臣

當執筆記之惟素節公以孤身播遷荒野迨返  
而安其故廬其間宗祀之危引千鈞于一髮再  
傳至南隱翁在昆弟間子孫獨蕃又以年躋壽  
考而目見曾玄是豈人力也哉翁子五人鳳鸞  
鵬鶴鷗孫十一人紳綬綺經繻本相植模楷格  
曾孫又若干人其所謂高玄者則鳳生紳紳生  
中與正中生有嘉正生有光其仕而貴則鳳繇  
鄉貢進士終山東城武知縣鸞授蘇州衛指揮  
僉事其通經而將仕則鶴繻中正皆縣學生負



騰騫有期其少秀知務學則弁而角而孩提所造皆未可量爭榮競爽承歡於翁之左右前後者祖得其孫父率其子兄介其弟夫以其婦合五十餘人而其來者又蟄蟄焉何其盛歟傳曰積善之家必有餘慶非翁能繩祖武勉於爲善而天嘿佑之何以得此翁今雖老足徵閱九度百而擢賢科儀 天朝者頡頏彙興家門之慶將不啻如今日而已也思天道培善本以演慶澤於無窮勉哉凡翁之後人堂在城南半里許歸然須浦之濱爲翁累世舊業云



贈南京太常寺卿思菴王公墓誌銘

崑多王姓居丁涇里者家世尤舊鄉民世呼其  
宅傍橋曰王家橋目覩思菴祖孫相承今又四  
世矣公諱棠字懋思別號思菴曾祖考宗慶仕  
元千戶長入

國朝爲里正長祖考瑛考銘妣錢氏世隱居力  
農公少有秀姿舉止殊庸兒邑彥陸延齡氏見  
而竒之妻以孫女托以幼孤使持其家公曰夫  
夫事止此耶乃受學於外兄錢履素先生習肄



甚力竟奪於兩家事莫讐初志既長以材能聞  
有司選主公稅勤勞出入垂二十年事集而民  
便年五十公私一切之務舉付諸子乃偕梁府  
倅北莊先生輩結文酒社過從遊衍無虛日年  
六十預縣庠鄉飲歷年既耄儀度秩然嘉靖初  
詔賜民高年冠服公自顧德薄不敢當縣官即  
其廬勸之且諭以大義乃拜受是歲壬午孫燭  
舉于鄉癸未登進士第遺書以少年登科當官  
以三事勗之丁亥公年八十作重慶堂成燭適

以使事得過家拜慶因遍請

朝中縉紳詩文爲壽燕會親賓珠玉盈座遠近  
傳誦以爲盛事戊子九月二十六日忽得痰疾  
遂卒公生于正統戊辰六月廿有四日享年八  
十有一配即陸氏先卒子男四渭潮濟洵洵歿  
女二適支俸李巽孫男三長即燭今爲刑部湖  
廣司員外郎次燦次炤孫女八曾孫男尚幼公  
墓在丁涇里菜字圩之原葬在某年月日合陸  
氏兆也公氣和而色溫然侃侃以信義自許里



中少年誣人以人命府通判毛公瑄承御史牒  
行縣鞫治特召公問公對以寔事得白楊知縣  
子噐初下車境之嚴村盜殺人誣及良民數輩  
榜掠瀕死公直入鳴其冤楊公因廉得其情盡  
什之鄉間爭辨曲直就公以決不可縷數公治  
家嚴整外內井然教子孫日夕道古今成敗以  
爲勸戒自幼涉獵書史至老披閱不倦能爲五  
七言詩溫厚閒雅類其人未卒之前數月猶寄  
贈一律予讀之曰情辭兼茂是翁壽未涯也擬

倚韻和和未果嗚呼轉盼之間乃爲公作誌耶  
然述於公子渭予亦稔知公爲之銘銘曰

世有凶人戕人之生於以殖賄于以干名煦  
彼吉士信義自矢直民於寃生人於死繫善  
迤澤鍾于爾孫擢秀揚宗高大其門

詔恩斯煌上壽考終闡德勤銘永賁幽宮





醫學正科王君暨配盧碩人合葬墓誌銘

君姓王氏諱永吉字元慶裔出宋司諫縉之後  
君十一世祖夢聲宦吳中遂占籍于崑山之斗  
門里今其地分隸太倉州王氏支屬寢蕃世有  
顯者州郡稱詩禮鉅族恒甲乙焉君曾祖考諱  
幾祖考經考俊別號市樂翁援例授承事即妣  
李氏君三歲失恃鞠於庶祖妣陳自少敏而強  
記涉獵書史能背誦不忘方就舉子業承事翁  
命分理家務遂弃去更力田服賈年二十即代



父持門戶兩總區稅皆身任其勞畢役不詒公私患害壯益負氣自信雖承上官侃侃不阿處人不爲媵阿詭隨言必達志事多徑情衆惡之誣搆以不法君毅然往直于訟庭卒無若之何然自是改節顧退異不與物競非意干犯輒強忍弗與較久之人皆感孚里巷有所爭質君徐析以數言固不帖服王德庫午連歲侵 詔富民出粟賑飢授官以旌之君應令出粟千斛有司投牒授七品官不受晚好讀岐黃書得其梗

槩手自製藥餌已人疾不責其報鄉人德之薦于州補醫學正科謝曰非予志也退而奉親課子教諸童習聲技以自娛因號曰半隱君能順親友弟樽道殫焚通券遇寒餓解衣推食如不及縉紳大夫雖不識有嘉其志行者訪之君款滯累日夕性雖不飲而談笑佐觴未嘗少倦平居布素適體衣履垢弊必浣濯補綴思勵勤儉以爲子孫宗族法式配盧頤人諱某其先爲隆興武寧人遠祖諱宣教者遊學于吳居鳳凰鄉



之集祥里後徙家崑山其子孫若熊熙彭祖儒  
世以文行稱頤人之祖瑛登宣德五年林震榜  
進士仕終刑部主事瑛生懌娶楊氏生頤人幼  
有女德及笄歸半隱君事舅姑處妯娌和穆簡  
飭克盡婦道承事翁沒事後姑顧氏孝敬彌篤  
寢食行坐每端立侍側曲意承奉歷歲久而不  
衰年四十無子言于半隱君爲置貳室得二子  
保愛顧復不殊已出半隱君少壯之日嘗什五  
在外凡承賓祭睦親黨延師傳御僮婢嫁女婚

男之務品量經理皆出于頤人半隱君所樹立  
成就頤人贊相之力居多君生于天順五年四  
月五日卒於正德十三年四月十七日享年五  
十有八頤人生于天順五年二月二十七日卒  
於嘉靖元年正月十七日享年六十有三子男  
二長有義國子生娶御史許伯基之女次有禮  
邑庠生娶開州知州張允清之女俱側室王出  
女二長適國子生朱紱頤人出次適州庠生趙  
瀚側室顧出孫男二乳名學詩學琴女三甥男



三朱端禧國學生先卒次朱隆禧丙戌進士又  
次元禧甥女一適國學生王世仁有義將以嘉  
靖六年十二月十八日合葬其考妣於湖川鄉  
海宇圩先塋先是持其姊之夫級所述行請銘  
銘曰彼美伉儷競秀名門內外相成善累業蕃  
德載坤章有茁蘭蓀湖川芸芸篤斯慶源太史  
作銘賁于幽垣

東園盛君配陶氏合葬墓誌銘

君姓盛氏諱萱字思愛世居崑之澱山湖西曾  
祖文通祖君瑞考王妣李氏君生六歲而孤鞠  
於妣李二兄曰蘭曰蕙者弗克保家舊業傾廢  
君既有知識卽自勵曰我必復之否者我父目  
不瞑於地下矣長從塾師學期有所樹立以充  
厥宗公私迫奪弗果乃嘆曰何忍以家事累吾  
母邪遂棄去更方本業稼穡猥瑣之務咸躬自  
督理持身待物慮患防微日惴惴焉唯恐不及



不數稔卒復舊產更加恢拓家以饒裕中年始  
得子迺郎所居之東闢園圃藝果蔬構精舍以  
自怡適因號曰東園子旣就學知句讀迺延明  
經師於其中課以舉子業遇講論經理坐聽移  
晷無倦色力田教子之外一切奇袤誕謾之爲  
未嘗經意子典藝成淬志賢書援例爲國子生  
登科名嚮大用可期君娶陶氏同里菊隱公之  
女年十四歸君姑遭憂患持家嚴整氏入門卽  
身任勞勤鷄鳴而起奉親主饋之外織紉澣濯

之事罔不親之姑年旣高周旋承順幾三十年  
執婦道如一日寬以逮下視其所生訓誨資送  
不異已出處親黨和惠而有禮待臧獲端莊而  
有恩蓋淑懿之性夙成於天非有所效學而能  
之子男一卽典娶葉氏女五長適吏部侍郎葉  
文莊公之猶子璋次適南京府尹柴黼菴之子  
國子生郊次適王邦次適梁全其一適朱大有  
側室葉出孫女三長許嫁王執禮餘幼東園性  
隱惻樂施予族窶人不能聊生者分田以授之



鄉里有凍餒者恒推衣食以周之事生送死祭祀祖考款接賢士大夫館穀師友必致豐腆人皆稱嘆其賢君則曰凡吾所能皆我妻贊相以成之是非伉儷濟美其何能扶傾起廢之速如是君生于成化壬辰五月十五日卒于嘉靖甲午七月二十三日享年六十有三氏生于成化庚寅十二月二十日卒于嘉靖己丑七月十六日享年六十卜以乙未十二月十六日合葬于澱湖之濱髮字圩之新阡典馳其師南京吏部

文選郎沈廷材狀請銘予嘗往來于千墾浦見陶與盛二家桑梓相望鷄犬相聞華屋甫田山連壤接嘆曰美哉此郎古朱陳村也心竊慕之俱托姻交間東園夫婦合葬之銘其何能辭銘曰

哲夫造家遭家之顛幹蠱用譽載自髫年舊業克復旣富而穀檢身教子維耕與讀賢婦相之維義之爲外內鉅細咸中機宜澱湖之原靈秀實蕃佳城峩峩慶流後昆







朱英齋先生像贊 一品夫人之祖 壽八十  
 生逢景運居安樂土容貌敦龐衣冠樸古履分  
 直心奚害術賈累德既厚流慶斯聚子孫蕃昌  
 造物所輔

朱德温先生像贊 英齋次子

為善之人其容粹然維清維白累世所傳難弟  
 難兄友愛弗愆綸巾布衣老于林泉

朱丹石先生像贊 德温季子名醫

爾貌則臞爾中則腴涉多枝而弗試歷命途之



崎嶇晚肆力于醫流思駕古人而齊驅遂擅美  
一時馳聲三吳益無忝于弓裘而將收功于桑  
榆氏文愛弗

善之人其容於世者雖自出而世亦不  
其容於世者雖自出而世亦不  
其容於世者雖自出而世亦不

直心奚害  
主豈景  
未與

與張碧厓僉憲

昨者多荷手書珍貺向在迫冗中闕裁謝貞菴  
來不蒙鄙外又領華劄知愧知愧僕向以疎慵  
無似得罪于時豪入秋累遭言論然大抵以水  
村之故移怒于僕未免組織萋菲所賴公論頗  
明尚得苟完舊物然野人心性終不能隨時俯  
仰浩然有歸山之興矣其未能忽然者  
主上實有聖賢之資每日進講孜孜注聽畧無  
倦怠之意所謂有



君如此何忍負之用是靦顏就列姑俟明年春  
秋二時看世事如何決去就矣執事果了前件  
徜徉丘壑有何不可所祝者少親酒色凡百知  
節留此強健之軀多樂數年乃上計耳僕歸山  
也要好人作伴千萬自愛自愛凍筆草草統惟  
炤亮不宣

跋鄒山人詩表後

人各有志詩言志也言與志相為汚隆知人者  
以志不以言世變文盛士無顯微競以言自效  
天子厭之然天度無弗容察其志而已鄒山人  
挾策搖墨放浪江湖間有以自老若不知世間  
有榮進之事一旦詣闕下獻所為治安瑞應詩  
六章表一通君子聞而疑之迨觀其所奏疏云  
臣本布衣年踰七旬功名之念廢于四野者久  
矣非敢銜枝以干祿也區區一念忠悃發于言



顧文康公續稿卷之六  
三五  
宣宣之外有日矣遂拂衣掉頭去不復顧乃皆  
釋然嘆曰斯以爲山人與視世人之所爲則有  
間矣易曰不事王侯志可則也余嘉山人之志  
因其請附著數語若其平生吟詠之工踪跡之  
奇與今日所獻文詞之盛麗已殫述于諸君併  
載刻中茲不贅云

顧文康公續稿卷之六

五言古詩

高雲篇

高雲白而停下雲濃以駛參差高下間相去亦  
遼矣澄凝望碧落茫茫九萬里所思在瑤闕身  
墮塵埃裡還丹隱虎穴青春逝流水方將礪室  
劍戡亂臻玄理陰陽陳二際中樞貫終始得一  
期一得霞歟諦標指火符乞神侯斗柄司化紀  
踈形同黃鶴聊憑紫煙起此曲誠寡和相期羨



門子

題周氏世壽堂

吾崑周壽誼生宋景定間閱世訖元錄重逢昌  
運還

高皇御宸極詔接開龍顏醴食賜大官復家丁  
役蠲郡國飲庶老尊齒無與肩身稟松柏姿眼  
見陵谷遷逍遙考終日高邁虞帝年靈根鬯枝  
葉期願到曾玄俛仰極今古茲慶非偶然豈直  
瑞 聖朝庭階產芝蘭起家致青雲風彩北臺

端振振麟有趾峩峩豸爲冠世壽名高堂肯構  
日以完飛翔玉山陽炤映婁江干江山壽無極  
嘉名同弗刊爲語堂中人永懷仁宅安

送銅仁府推諸孫文郁之任兼期勉文同  
夢川諸兄弟

老景憐骨肉他鄉重離別念爾萬里遊勗爾增  
哽咽曾趨詩禮庭肯隳忠孝節炎荒足瘴梅清  
修飽霜雪忠信行蠻貊庶獄片言折前程豈不  
遠但須慎途轍摩挲老眼明各位會掀揭願爾



鴻鴈群雲霄競頽頽他時聚京國令我生喜悅  
立秋日孔昭賢姪遺苦熱長句走筆和成  
二氣慮憊忒調燮勤漢丙暑咎五行吏酷虐威  
屢逞雨師斬兇澤日馭赫離炳吾人困爐鞴庶  
物落陷穽功用策羽扇障礙憎盡屏尸龍居每  
見神馬駕安騁深林樂飛猱積水羨沉龜牛喘  
疑夜明烏渴逝頽景無乃苛政刑何以名灾肯  
撫字有煩懣對食時咽哽因思遷化樂奚覲降  
年永予稽改火期遲怯學稼請先迎土鼓馭薄

伐白旆整趨炎情可憐病暍事翻省夜酌冀登  
臺醉眠希落井新荷載曲筒寒瓜墜修綆天旱  
未泰甚禾茂乃深幸何妨塵寰隘自詫心宇靜  
晚風清披襟斜月涼對影已覺神魂醒漸訝肌  
骨冷乍欣初秋節似入華胥境冰層三千丈金  
布八十頃農夫慶豐年寡婦利遺秉詩律應倍  
工觴政何愁猛學步已失趙運斤乃須郢  
贈秋官孫從龍謫懷遠 嘉靖癸巳春三月  
崑山一片玉登用爲珪璋棄置事偶然韞積豈



終藏矯矯孫刑曹面色挾風霜侃侃執典憲議  
論紫髯張直道思古人遷謫乃其嘗清飈投嶺  
海瘴瀉驅炎荒賜環知不遐聖主思賢良至  
寶協神理日夕飛虹光重瞳顧盼間聲價重巖  
廊行行聊贈言舊書滿奚囊公餘恣探討儲以  
濟時康婦賢代色養勿嗟慈母將憂患玉汝成  
此恩深難忘

七言古詩

題菊

淵明有菊嘆無酒君復不飲菊烏有幽姿寂寞  
榮太遲君獨有之何所取根苗花葉舉益人注  
馥流膏使人壽身名偃蹇聊自況不願繁華願  
長久妻孥相對共盤飧何必歌絲雙玉樽十年  
遊宦走風塵就荒三徑問猶存但使人知同一  
節菊有菊無安足論君家在昔多種杏上池上  
苑芳華映君今種菊亦自好乃知物果因人勝



新恩楚楚王門裾清階露湛菊敷腴士今用世  
亦多術慎術奚如醫與儒君行欲賦歸去來西  
風颯颯吹頭顱吳山娛晚有佳處留此春光與  
二雛

古言古語  
王母篇寄祝梁母夏夫人七十壽夫人節  
推在竹先生賢配也

我聞崑崙之山與天通黃金為界今白玉為宮  
雲屏霧障知幾重中有王母郡僊宗大始匹合  
東皇公木金間隔居西東九月天開閭闔風霓  
旌降遊歷華嵩青鳥不到蓬萊峰玉山縹緲留  
僊踪千年蟠桃花正紅瑤池敞燕何從容群僊  
進觴禮敬恭頌祝阿母之筭無疆今直傲馮翼  
而超鴻濛







行將爲客茲復送客病餘悲秋感賦寂寥不足爲贈言也

七言律詩

丙子新正五日水村太宰宅壽筵觀燈

曆啟王正壽域迎燈傳宮燭瑞烟橫若爲相府  
風光別爭迓天孫組織成華蓋垂香花作幄青  
藜分影火爲城宸遊賸有逃亡念願贊訐謨荅

聖明

即席詠燈

錦堂高會賞奇燈四座騰光徹紫冥華月乍臨  
雲母帳餘霞忽散水晶屏瑤珠的歷開蛟室苞



影縱橫戢鳳翎前輩風流重鄉曲可無高韻續  
春星

偕盧侍御遊西山和韻

四野風烟漠漠迎隨人片月更多情酒慳不放  
如泥醉詩苦從教泛馬行二里禪林分夜暝幾  
人遊賞逐秋清尋常開口風前笑不啻悠悠身  
外名

望湖亭

湖上虛亭圖畫開岡巒迤邐水縈迴一天詩景

月爲釣滿眼稻田雲作堆物色撩人須借榻歌  
聲入座好啣杯擬將酩酊償餘興留待山陰雪  
後來

出功德寺至香山

馬首遙遙紫翠重蒼虬夾道擁長松天當北極  
無高處山是西來第一峯此地秋光餘殿閣前  
朝勝事有歌鐘登臨莫問興亡蹟衲子蒲團午  
睡濃

文華夜講和元人韻



聞道鐘聲送夕陽天臨講幄漏初長輝輝藜火  
明天祿杳杳銀河繞建章道德格心功要眇衣  
裳垂拱治馨香聖人有意撫前烈眼見休風隨  
漢唐

初見白髮

四十流年鬢有絲曉臨青鏡覺吾衰田園荒穢  
勞生計豺虎縱橫慨路岐酒榼詩囊渾欲謝藥  
鑪丹竈擬相隨滄洲不遠沙鷗畔煙浪雲濤隨  
所之

丙子臘月南郊視牲馬上口占

天街燈火轉繁星侯騎紛紛擁道行

聖主精誠崇祀典侍臣遙夜出都城司存近報  
無鼷鼠卜吉緣知用大牲受福自天應不惜歲  
豐民洽泰階平

黃丹巖冒雪而行戲贈

市橋雪暗行人少黃子衝寒何處來繡腑得詩  
珠錯落蒼髯忽老玉髮鬢只拖山屐無驢載不  
着簑衣有鶴猜歸去雙肩猶吼律茅齋坐火勒



春回不亦歸游韻去雙扉醉酒樽茶夜坐火爐  
將說幽花 豈忍步王學風只與山翠  
靜裡吟哦若有神詩家景色未為貧簷邊涼竹  
休摧物庭下寒花別駐春白髮時時憐我老紅  
芳的的為誰新陽和只隔冰霜後着葢抽條入  
句頻見小吉絲吹風大掛受師自天  
聖主和中秋聯句韻呈蓉東孤卿  
醉月凌霜得此宵人間天上境非遙薇垣散吏  
清難寐桂殿仙娥乍見招坐愛金波澄玉宇酌

來莖露灑瓊杓賞心那用霓裳曲自有商歌倚  
洞簫

恩深謝汝湖太宰長器以壬辰八月望夕生已  
三歲矣汝湖旅居仍設酒食延親賓即  
席口占

行年已是商瞿後種玉初成見此郎畫寢熊羆  
占世澤青氈燈火紹書香佳辰每記將蓬矢清  
夜尤宜醉羽觴待月酣歌又致祝他年芳桂總  
成行



南山孫丈人齒躋七十有二康疆如昔令  
子大行君適以奉使歸省稱觴拜舞庭  
下為鄉閭勝事即席賦祝用少陵韻

溪雲日日度紗巾種玉鋤雲計未貧手植松枝  
看漸老曾探虎子養來馴綵衣天上乘槎客鳩  
杖江頭抱甕人况是他時膺紫誥巖阿今已寵

恩新  
九日旅中無酒白川周少宰聞之遣一大  
壘兼侑以詩亟呼童啟壘則味已大變

矣興復索然俄而郡伯王先生遣白衣  
至酒味乃甚佳暢飲至醉因用白川韻  
呈笑

憶得明珠落紫槽色香真不讓葡萄風前破帽  
依然落夢裡家山特地高未擬柴桑荒徑菊須  
從檣李貯村醪年來已厭胡盧樣何日歸來學  
士陶

登玉峯 辛酉仲春

放脚登山步步高  
胷中氣壓五陵豪  
一春花樹



鋪雲錦萬壑松風沸海濤婁水有情圍玉邑崑  
崗產秀拔城壕遙知八月天香煠兩袖氤氳籠  
翠袍

鹿鳴宴 辛酉

公堂典禮肆雍容俊乂都歸轂率中光隱萬花  
京兆府香傳七寶月娥宮周行蕩蕩笙歌合皇  
極巍巍雨露通際此人生應不偶立身期莫負  
英雄

入宮 乙丑

禁柳青青白玉橋無端春色上宮袍卿雲五彩  
中天現聖澤千年此日遭虎榜姓名書勅旨羽  
林冠蓋樹旌旄鳳凰池畔重回首午漏花深紫  
殿高

贈楊玄隱道會還崑

荏苒風塵二十年此心嘗爲白雲懸遙知野鶴  
依丹灶擬度飛虹訪洞仙春水北來瞻日月名  
山南去任風烟乘閒好寫叅同契他日相逢共  
訪玄



壽玄隱楊鍊師七十

真隱何須遠市廛羽衣鳩杖自修然  
諸緣謝却心如水一炷焚來目似年  
白髮巢雲看竹院青牛鋤雨種芝田  
仙家七十須臾事更擬南華歲八千

乙未正二月三旬內連得二曾孫志喜

畫道天翁眷德門一時誕育兩曾孫  
三吳著姓家聲舊列祖詒謀雅道存  
滄海珠連涵世澤崑崗玉倚萃春溫  
蟬聯簪綬非吾願詩禮相傳衍

慶蕃

丙申之秋八月冬閏十二月又連誕二曾  
孫仰天地申佑之恩思祖宗垂慶之澤  
復用前韻示後人俾世守仁厚為家法  
則我之裔胄其永永昌熾矣乎

德星燁燁炤清門四代連年見四孫  
麟趾鳳毛人共羨青氈錦軸世應存  
傳家自昔惟忠孝立志母令在飽溫  
喬木根深溪須愛護行看枝葉日駢蕃



禮先祖京兆公以乙未二月十六日生從祖龍  
志岩公以丙申八月四日生二詩爲二祖而作  
人詳見家乘孫晉璠謹記  
新屋題顧山山茶  
造化厚培何代物崔嵬直共佛樓高柯如蜀相  
祠前栢花似劉郎觀裡桃壺榼尚期他日徃斧  
斤聞說有人操叮嚀地主勤呵護莫遣靈根恨  
所遭丙申之滄人  
題夜合花

翰林院夜合花余徃歲視篆時所植也  
茲有事院中數株盛開奇麗殊嘗歲後  
示李吉士汝立寓意詩作於癸巳夏四  
月書於甲午春三月

瀛海蓬山喜托根仙姿綽約共誰論雲停玉倚  
俱成態翠驪朱頰似欲言造物撝訶謝斤斧隨  
時舒卷度朝昏春風桃李芳菲後特擅南薰長  
養恩

李吉士諱本復姓呂餘姚人嘉靖壬辰進士



府君教習時最屬意後官至少保謚文安士

奏恩

和怡容表陳習春風淋李茂菲并於野南薰具

淵

共

且善於甲午春三月

示幸吉士文立寓

林

林

七言絕句詩

恭和

聖製前次魚入舟追作

君王聖德與天通魚藻清波映碧空躍沼入舟

文武盛豈如今日見神龍

嘉靖戊戌十一月荆婦朱幸預

太廟陪祀之列口號志喜

女中淑順似無倫結髮相看到七旬此日宗禋

備宗婦文班一品第三人



高峯掠雲翠螺髻曲磻委地蒼玉環西山端合  
比西子愁人一爲破愁顏

題錢舜舉西旅貢燹圖 二首

明王慎德四夷賓進戒猶勤致主臣落落讜言  
垂宇宙逢君之惡是何人  
遠人須格邇人安德物荒禽屬兩端後世却教  
徵白鹿不知王業本艱難

戲寫三圖并題三絕

童時作

曲江春暖杏花開紫燕雙飛日影來玉勒宮袍  
騎駿馬滿街爭看狀元迴 題狀元歸去馬如飛

建章晨啟篆煙浮象簡朱衣立殿頭燮理陰陽  
成底事千秋唯有一伊周 題獨立朝綱

弱冠登朝似賈生翩翩鴛侶驟神京歷更三事  
君恩重荏苒風光兩鬢星 題一路功名到白頭

附跋

昔淮陰侯爲布衣時其志與人殊欲葬其  
母因行營高敞地令其旁可置萬家已而



顧文康公續集卷之六  
果然顧文康公童子時即善丹青繪狀元  
歸去馬如飛獨立朝綱一路功名到白頭  
三圖各題七言絕句于上後果

廷試第一錄宮詹拜相入掌宮鑰之任年近古  
稀天下稱爲賢相乃知天生豪傑固自不  
偶留侯所謂天授非人力也余襟丈汝善  
先生表揚先德爲裝潢三軸俾予題其後  
以致景仰之意云 萬曆辛卯冬資政大  
夫太子少保禮部尚書後學徐學謨謹跋

恭和

御製西湖詞

嘉靖十六年三月九日大學士夏言傳示  
聖諭云西湖詞卿和二副來及示賜臣着也和

二副來因進此二詞有疏刻全集中

中玉蛾兒 即粉蝶兒

孝德崇光屆清明

七陵凝望感宗祧慶澤悠長建中和行王道平  
平蕩蕩至治馨香鳳凰儀鳴聲溜曉



佳樂歌 卽好事近

陵祀孝思長豈特為春遊賞雲屯萬馬煞強如  
較臘長揚千山遇雨靜風塵行潦波搖漾  
正重瞳吟睇林臯忽官闈喜送嘉祥

赤穎花 卽石榴花

我則見翠靄丹霞接混茫端的是聖日麗  
重光則看那風諫蠡斯雅頌鸞鴛拜舞慌  
忙詞賦傳湯可柰這千端慶緒難織紡時  
清道泰光前邁往猶兀自念

陵關近羶鄉勅封守防慎邊疆

佳樂歌

龍旗西指碧山長群峯赫奕榮光鳴絲激管  
相間着金鼓鏗墮行宮問寢豫 慈顏上  
壽稱觴金山口紫鳳迴輿王湖上神魚戴  
舫

捉鳥音 卽鬪鷓鴣

噴靈湫萬派流泉迸瑤池甘馬清江掉蘭  
漿黃帽篙師閃朱旗畫榜仙郎則願浪靜



風恬

聖體康多士際明良奉宸遊竹帛傳芳祝  
皇圖福祚蕃昌

夕遊蝶 卽蝶燈蛾

天闕是

帝家寰宇是

帝鄉鬱葱葱佳氣繞蓬萊十二樓環拱着未央  
繚瀛海金城泰遠馭義和黃道偏長更兼  
那率土年年作貢筭來有十三處花錦大

田莊

步微樓 卽上小樓

其崇伯子治水忙周文王視民傷還須是憂  
憫群黎如保嬰兒欲置身傍天地包容雨  
露涵濡日月垂光則除是師古訓向杏壇  
函丈

夕遊蝶

皇極禦戎羗民乂安課農桑物阜康飭綱紀勵  
群工登賢俊輔元良四時和托始春王文



武勛勞紀太嘗贊吾

皇逸駕軒唐理陰陽禮樂明昌千百載樂雍熙

玉燭交光

〔收音〕 卽尾聲

靜裡乾坤無鬧嚷湛靈臺峻發天光鑒千古興衰計慮長

其二

〔玉蛾兒〕

泰宇晴光遍郊原曉天吟望仰堯天化日

初長雨絲微雲絮歛和風駘蕩 御幄凝

香奏鈞天樂聲嘹唳

〔佳樂歌〕

樂事與天長喜奉

慈幃欣賞覲旌鳳輦徘徊紫陌垂楊蘭撓桂槩  
泛龍舟碧水春溶漾來青鳥金母傳書躍  
神魚海若呈祥

〔赤艷花〕

猛可地平湖十里景微茫原來是瑞靄罩



波光飛彩鷁櫓聲驚起屬玉鴛鴦愛和那  
粉蝶飛忙紫燕輕揚我只見漁翁遠浦收  
綸紡白叟黃童相携來往他每都感  
皇恩翹首五雲鄉祝  
聖壽萬歲永無疆

〔佳樂歌〕

尊絲苻帶荻芽長粧成水國風光鳴蛙鬧  
炒依稀鼓吹啍啍鶯歌蝶舞介仙音重進  
萬年觴掛星辰碧漢靈槎明日月滄洲盡

舫

〔捉鳥音〕

簇齊齊玉節穿林響珊珊珠佩臨江隊元  
戎借箸留侯從詞臣顧曲周郎這的是張  
弛隨時樂康文武倚忠良賞青春花事芬  
芳贊

皇猷海宇殷昌

〔夕遊蝶〕

帝賦雲開見



帝城回首望湖鄉光瀲灩水天同一色觀神龍  
宛在水中央擁祥雲芳郊氣暖馭輕風曲  
渚流長移仙仗經行百里有少禪關野  
店共村莊

步微樓

嘆民農曉夜忙貧和病總堪傷他那里  
歌僧舍剽竊長途賣笑門傍真箇是擔石  
無儲周身無縷爨火無光快活煞富家郎  
食前方丈

夕遊蝶

帝心惻感

天心雨暘時屢降康鋤強右拊疲瘥去貪暴獎  
循良登治效邁三王

聖子神孫率典嘗民擊壤歌誦陶唐申福祿日  
熾日昌真箇是

大明君萬代輝光

收音

迎



聖駕都民歡嚷嚷奉綸音仰戴  
天光載路謳歌音韻長

和桂洲相公黃河詞二首

調念奴嬌

黃河九曲付安樂窩翁尋嘗觀物東盪西傾知  
幾許無論金城鐵壁短蜮噴沙長鯨咽浪白晝  
飛晴雪穹龜岡象夜深爭自雄傑可笑博望  
窮源何曾有眼云自崑崙發屈指中原興與廢  
不抵浮漚明滅馭氣乘風何人凌倒景看如絲  
髮周遊八表海槎長掛星月

又

大河南北數千里一望中原民物迤邐江山開  
錦障盡是名城堅壁楚漢交爭曹劉割據戈甲  
明霜雪一時閒氣算來有甚豪傑青春三月  
南征柳色連天滿路花爭發時拂彩毫吟麗句  
不問古今興滅

聖主中興太平有道德澤沾窮髮何年滄海釣  
竿時弄煙月

附桂洲原詞



九曲黃河畢竟是天上人間何物西出崑崙  
東到海直走更無堅壁噴薄三門奔騰積石  
浪捲巴山雪長江萬里乾坤兩派雄傑親

隨古今典

大駕南征龍舟鳳舸白日中流發夾岸旌旗圍  
鐵騎炤水甲光明滅俯視中原遙瞻岱嶽一  
縷青如髮壯觀盛事已亥嘉靖三月

桂洲自南楚扈蹕歸已四月望後矣閣前  
紅芍藥盛開攜小酌賞之仍用韻紀勝兼

况翁云爾

閣前紅芍是萬卉叢中堂堂竒物影拂台堦香  
散滿太乙鈎陳奎壁化日交光東風扇煖玉署  
融冰雪露桃雲杏從前休詫英傑堪羨舊府  
餘春天公有意留待公歸發景物因人增勝槩  
百代風流難滅老子衰遲金樽羞炤我滿簪華  
髮夜深去睡紫薇還掛鈎月

壽周泉坡少司寇六十 調南柯子

柱史今司寇風霜老鐵冠法星光燦五雲端恠



底世人無數舉頭看 秀腑深藏玉蒼顏潤渥  
丹歲寒松竹日平安擬共壽筵泛蟻小龍團

和桂洲相公見賀麟袍之賜 調玉樓春

彩筆昔曾干氣象文光燁燁台垣上若年青瑣  
諫爲官此日黃扉儒作相 高擎八柱人爭仰  
眼見堯天開蕩蕩歸來莫賦晉陶潛老去更追  
周呂望

附桂洲原詞

霖雨堂成增氣象麟袍勅賜來天上共羨龍

頭老狀元雅稱鳳池真宰相 鸚班着處人

爭仰衣被新恩開浩蕩更看高閣畫儀形要  
使蒼生諧屬望

賀桂洲相公卜居兼祝充間之慶 調帝臺春

材質渾朴神工日礪斲金作棟梁萬寶栽成株  
櫨杲桷畫寢沉沉凝瑞靄琴瑟鼓洞天仙樂正  
瑤池子熟蟠桃偷來方朔 境超卓勢緬邈雲  
漢倬天一握喜調燮功深贊嘉謨日日在細氈  
重幄公族振振聚斯宇重賦周南詠麟角看與



國咸休鎮安如山嶽

賀序菴相公遷居兼祝難老

調千秋歲

相門天啟奕奕鳴珂里德鄰聚仁居美山川靈  
壽域朝野瞻依地華構迥穹堂傑閣丹青倚  
天壤根株應自昔傳仙李茂勛烈宜昌熾曾孫  
春戲彩南極祥光裡恩深遠鳳池遙接蒼溟水

閣前蓮子遺桂洲相公致祝

調如夢令

太華峯頭異種成實最堪珍重稽首王虛君薄  
薦翠盤清供如夢如夢孔釋來年相送

題梅

白練序

春光蚤漏泄向南枝信已傳終不負舊日故人  
青眼初見野水邊謾索笑偷香情暗牽真堪羨  
東風占却萬花魁選

醉太平

深院相思夜冷正暗香疎影忽到窓前冰肌炤  
眼那許蝶鬧蜂喧堪觀黃昏東閣舊姻緣也曾  
侍翠屏春宴萬般消遣真箇勝是跨鶴腰纏



白練序

逋仙眼望穿恩情萬千西湖上只落得幾迴清  
顛踰躑落舞筵似鬢亂釵橫邊翠鈿尤堪戀影  
粧試出壽陽宮面

醉太平

嬋娟羅浮夢裡澹粧素服風流無限參橫斗轉  
惆悵翠禽啼怨留連誰家羌笛妬春妍怎禁他  
碎瓊飛片雨微金重調羹又入傳巖商殿

尾聲

桃李繁華緣分淺踈狂冷澹滋味全留取心腸  
鐵石堅

附王弇州先生曲藻一則

趙王之紅殘驛使梅楊邊菴之寂寞過花朝  
李空同之指冷鳳凰生陳石亭之梅花序顧  
未齋之單題梅此皆出王公膾炙人口然較  
之專門終有間也王威寧越黃鶯兒只是譚

語然頗佳

前詞誤刻梁伯龍王語堪作証



請發賦

之

之

之

之

之

之

顧文康公續稿卷之六終



